

Dä Film is aus in Kino,
dä Abspann läuft.
Häbbi End, alle glücklich,
die Augn sin feucht.
In Ansbach führt dä Herbert
sei Petra zum Altor
und sie sacht heit nu,
dass dou suu glücklich wor.

Nachm Häbbi End geht die Ärbert lous.
Manchmol frochst di, wäi schäff mäs blouß?
Nachm Häbbi End, dou wäds manchmol schwer,
su wäi am Anfang wirts oft net mehr.

Dä Glanz dä erschn Johre
wird matt, geht vorbei
und bald wärd nu schwerä,
bald seid dä drei.
Er schaud scho immer nach Frauen,
ober edz wärd extrem.
Und du frochst di
sollin in Laufpass gebm?

Nachm Häbbi End geht die Ärbert lous.
Manchmol frochst di, wäi schäff mäs blouß?
Nachm Häbbi End, dou wäds manchmol schwer,
su wäi am Anfang wirts oft net mehr.

Wou is blouß die Lust hie?
Im Bett läfd a nix mehr.
Weihnachdn is dou äftä,
blouß af dä A6 is Verkehr.
Sie lässt si geh, lässt si hängä
dä Bauch wächst, stinkt nach Schweiß.
Du denkst: Für die ganzn Johre,
is des etz dä Preis?

Nachm Häbbi End geht die Ärbert lous.
Manchmol frochst di, wäi schäff is blouß?
Nachm Häbbi End, dou wäds manchmol schwer,
su wäi am Anfang wirts oft net mehr.
Nachm Häbbi End geht die Ärbert lous.
Manchmol frochst di, wäi schäff is blouß?
Nachm Häbbi End, dou wäds manchmol schwer,
su wäi am Anfang wirts oft net mehr.
Nachm Häbbi End, dou wäds manchmol schwer,
su wäi am Anfang wirts oft net mehr.